



E tlhabolotswe e
bile e tsamaelana
le KPCT


Mophato

2




Bokgoni jwa Botshelo ka SETSWANA

Buka 1 - Kgweditharo 1&2



ISBN 978-1-4315-0259-2



LIFE SKILLS IN SETSWANA

GRADE 2 – BOOK 1

TERMS 1&2

ISBN 978-1-4315-0259-2

7th Edition

THIS BOOK MAY NOT BE SOLD.

Dibukatiro tse di fitlhelwang mo
metseletseng e, ke:

- Puotlaleletso ya Ntlha ya Setswana Mephato 1 – 3 (Ka dipuo tsotlhe tsa semmuso)
- Puotlaleletso ya Ntlha ya Setswana Mephato 4 – 6 (Ka Seesimane)
- Puogae ya Setswana Mephato 1 – 6 (Ka dipuo tsotlhe tsa semmuso)
- Matesisi (Mmetshe) Mephato 1 – 3 (Ka dipuo tsotlhe tsa semmuso)
- Matesisi (Mmetshe) Mephato 4 – 9 (Ka Seesimane le Seaforikanse)
- Bokgoni jwa Botshelo Mephato 1 – 3 (Ka dipuo tsotlhe tsa semmuso)


Leina:

Tlelase:



basic education

Department:
Basic Education
REPUBLIC OF SOUTH AFRICA



Diteng

Kgweditharo 1 Tsebe

- 1 Re batla dijo tse di itekanetseng go tshela..... 2
- 2 Metsi a re naya botshelo..... 4
- 3 Re somarela metsi..... 6
- 4 Mowa o o phepa o re naya maatla 8
- 5 Nna le batho ba bangwe 10
- 6 Batho ba ba re dikaganyeditseng 12
- 7 Go dipisa ga go tlhole go batliwa..... 14
- 8 Rotlhe re kgethegile 16
- 9 Ka moo re ikutlwang ka teng 18
- 10 Batho ba ba nang le bogole.. 20
- 11 Bana botlhe ba kgethegile 22
- 12 Mogaka wa me 24
- 13 Phefafatso ya metsi..... 26
- 14 Mokgwa o o itekanetseng wa botshelo 28
- 15 Dikumo tse di senyegang le tse di sa senyegeng 30
- 16 Malatsi a Sedumedi le a a kgethegileng 32



Kgweditharo 2 Tsebe

- 17 Ditlha..... 34
- 18 Ditlha tse nne..... 36
- 19 Ka ga ditlha..... 38
- 20 Go aparela maemo a bosa.... 40
- 21 Ditlha di go ama jang? 42
- 22 Go jwala nawa 44
- 23 Diphologolo tsa polasa 46
- 24 Mo polaseng..... 48
- 25 Diphologolo tse di tlhaga 50
- 26 Diphologolo di iphitlha jang .. 52
- 27 Diphologolo tsa metsi 54
- 28 Dibopiwa tsa botennye jwa metsi..... 55
- 29 Botaki jwa diphologolo..... 56
- 30 Diphologolo tse di sikarang dintlo tsa tsona..... 58
- 31 Diphologolo tse di ikagelang dintlo 60
- 32 Thanodi ya me 62



Mme Angie Motsheka,
Tonakgolo ya Thutotheo



Rre Enver Surty,
Motlatsatonakgolo ya
Thutotheo

Dibukatiro tse di kwaletswe barutwana ba Aforikaborwa ka fa tlase ga boeteledipele jwa ga Tonakgolo ya Lefapha la Thutotheo, Mme Angie Motshekga le Motlatsatonakgolo ya Lefapha la Thutotheo. Rre Enver Surty.

Dibukatiro tsa Rainbow ke karolo ya maiteko a mangwe a Lefapha la Thutotheo a a ikaeletsweng go tokafatsa bokgoni jwa barutwana kgotsa baithuti ba Aforikaborwa mo mephatong e merataro ya ntliha. Jaaka e le sengwe sa dilo tse di kwa godimo mo Lenaneotirong la Mmuso, porojeke e e etleediwa ke Letlotlo la Semmuso. Se se kgontshitse Lefapha go kwala dibukatiro tse ka dipuo tsotlhe tsa semmuso, mme ga di duelelwae.

Re solo fela gore dibukatiro tse di tlaa tswela barutabana mosola mo go ruteng ga bona ga letsatsi le letsatsi, le mo go netefatseng gore barutwana ba digela kharikhulamo ya bona. Re netefaditse gore re kaela morutabana sentle mo tirong nngwe le nngwe ka go tsenyeltsa mesupatsela go bontsha gore ke eng se morutwana a tshwanetseng go se dira.

Re solo fela gore bana ba tlaa itumelela go dira mo bukeng e fa ba ntse ba gola e bile ba ithuta, le gore wena jaaka morutabana, o tlaa abelana le bona boitumelo jwa bona.

Re go eleletsa katlego e kgolo mo tirisong ya dibukatiro tse, wena le barutwana ba gago.



Published by the Department of Basic Education
222 Struben Street
Pretoria
South Africa
© Department of Basic Education
Seventh edition 2017

ISBN 978-1-4315-0259-2

This book may not be sold.

The Department of Basic Education has made every effort to trace copyright holders but if any have inadvertently overlooked the Department will be pleased to make the necessary arrangements at the first opportunity.

Mophato

2

Bokgoni jwa Botshelo
ka *Setswana*
Buka I



Buka e, ke ya ga:

1. Bokgoni jwa Botshelo ka Setswana
2. Bokgoni jwa Botshelo ka Setswana
3. Bokgoni jwa Botshelo ka Setswana
4. Bokgoni jwa Botshelo ka Setswana

Re tlhoka dijo tse di itekanetseng go tshela

A re buiseng

Kgweditlhoro I – Bekel – Papetlanatiro



Mebele ya rona e tlhoka dijo tse di itekanetseng gore re kgone go gola. Re tshwanetse go ja dijo dingwe go tswa mo ditlhopheng tsa dijo letsatsi le letsatsi. Re tshwanetse go ja dijo tse di itekanetseng gore re tle re nne le maatla a a lekaneng go dira sengwe le sengwe se re tshwanetseng go se dira. Fa re sa je dijo tse di itekanetseng, re ka lwala thata.

Ditlhophha tse tlhano tsa dijo

Dithoro le
dikumo tsa
dithoro

Batho ba
bangwe ba ja
merogo fela. Se se
kaya gore ga ba
je nama epe. Ba ja
bogolosegolo go tswa
mo ditlhopheng tse
4 tsa djo.

Nama,
tlhapi, nama ya
kgogo, matokomane
le dinawa

Merogo le
maungo

Dikuno tsa mašwi

Mafura le dioli

Letlha:



A re direng

Bua le tsala ya gago ka ga gore ke dife tsa dijo
tse, tse di itekanetseng. Di sekeletse.



A re kwaleng

Itire e kete o ya kwa
marekisetsong le
mmaago go ya go reka
dijo tsa maitseboa.

Direla balelapa la
gaeno lenaneotheko la
dijo tse di itekanetseng
tse di ka jewang.

LENANEOTHEKO



Teacher:
Sign:
Date:

Metsi a re naya botshelo


Kgweditharo I – Beke I – Papetlanatiro



A re bueng

Ke goreng re tlhoka metsi?

Batho, dijwalo le diphologolo di tlhoka metsi go tshela. Metsi a fetisetsa dijo tse re di jang kwa dikarolong tse di farologaneng tsa mebele ya rona. Gape a thusa mebele ya rona go ntsha maswe.




A re direng

Re dirisa metsi letsatsi le letsatsi mo magaeng a rona. Bolelela tsala ya gago dilo tsotlhe tse o kgonang go di akanya tse re di dirisang boemong jwa metsi. Morago o thale ditshwantsho di le 4 go bontsha gore re dirisa metsi jang. Kwala setlhogo fa godimo ga setshwantsho sengwe le sengwe go tlhalosa gore se bua ka ga eng.




A re kwaleng

Re bona metsi kae? Thala mola go golaganya lefoko
lengwe le lengwe le setshwantsho se se nepagetseng.



dikgakologo
lefetlhlo
noka
letamo
sediba sa go gelela



A re tsamayeng

Pele o ka dira tirwana kwa ntle, ikololole jaaka katse. Seno se tlaa kgontsha mmele wa gago go tshikhinyega. Gape, o ikololole morago ga tirwana go repisa le go ikhutsisa mmele wa gago. Seno se tlaa go thusa gore o se nne le mesifa e e botlhoko.

- Tlola jaaka segwagwa. Dira medumo ya segwagwa.
- Latlhelelanang kgwele kgotsa kgetsana ya dinawa mme le e kape.
- Morago o latlhele kgwele kgotsa kgetse ya dinawa kwa godimo o bo o e kapa.
- Tshegetsa kgetsana ya dinawa mo tlhogong ya gago mme o taboge le tsala ya gago. Bona gore o kgon a go rwala kgetsana sebaka se se kanakang e sa we.



Teacher:
Sign:
Date:

3

Re somarela metsi

Kgwedit haro 1 – Beko 2 – Papet lanatiro

A re bueng

Metsi a botlhokwa thata, ka jalo ga re a tshwanelo go tshameka ka ona. Bua le ditsala tsa gago ka ga mekgwa e e farologaneng e re ka somarelang metsi ka yona.



A re kwaleng

Kwala dintlha di le pedi tsa go somarela metsi mo diphatlheng tse di fa tlase.



1.

2.




A re direng

Dirisa dikheraeyone tsa gago go kgabisa phousetara e e buang ka ga go somarela metsi. Phousetara ya gago e rotloetse ba bangwe go somarela metsi. Morago ga go dira phousetara ya gago, e bontshe ditsala tsa gago.

6

Letlha:





A re tsamayeng

A re tshamekeng motshameko
"Ke nako mang, Rre Phiri?"

Yo mongwe wa lona o tshwanetse go nna phiri.

Refosanang go botsa, "Ke nako mang, Rre Phiri?"

Nako nngwe le nngwe fa o botsa, phiri e
tshwanetse go bua gore ke nako mang.


Mme fa phiri e re, "Nako ya dijotshegare", e tlaa
simolola go go tebisa. Wena o tshwanetse go
tshaba gore e se ka ya go tshwara.



Jaanong batla hupu mme o tshameke ka yona.

Wena le tsala ya gago le tshwanetse go refosanelo
go sutlha mo hupung, la ntlha o tsamaya ka maoto
mme morago ka matsogo a gago.

Morago o emise hupu gore tsala ya gago e gagabe
mo go yona. Refosanang go dira se.



Teacher:
Sign:
Date:

Mowa o o phepa o re naya maatla



Tla re buise

Mowa o re o hemang o na le okosijene. E thusa mebele ya rona go dirisa dijo tse re di jang. Morago re bone maatla go tshela. Fa re hema mowa o o leswe, mebele ya rona ga e kgone go dira sentle.



Tla re kwale

Kopana le tsala ya gago mme lo dire tiro e e lateleng.

Ke tlhoka mowa o o phepa gonne

Fa mowa o le leswe

Mowa o nna leswe fa

Se re ka se dirang go tshola mowa o le phepa:

1.

2.

Letlha:



Tla re buise

Batho ba tlhoka lesedi la letsatsi go itumela le go nna ba itekanetse. Le thusa mebele ya rona go bona bithamini D. Re le tlhoka go bopa marapo a a maatlafetseng. Marang a letsatsi ka bontsi ga a a re siamela. Re ka tloga ra šwa botlhoko. O tshwanetse go dirisa sesepa sa letsatsi kgotsa hutshe ya letsatsi go sireletsa letlalo la gago kgatlhhanong le letsatsi.



Tla re kwale

Tlatsa diphatlha tse di fa tlase:



Nka kgonà go bolokesega kgatlhhanong le marang a letsatsi:

1. _____
2. _____
3. _____



A re bueng

Opela pina e o bo o
opela moribo diatla.



O tshwanetse go dirisa
sesepa sa letsatsi kgotsa
hutshe ya letsatsi go
sireletsa letlalo la gago
kgatlhhanong le letsatsi.



O lesedi la me

Lesedi la me

O a intumedisa

Fa loapi lo le letala.

Ga o ka ke wa itse, moratiwa,

Gore ke go rata jang.

Tsweetswee, lo se ka lwa ntseela

lesedi la me.



Teacher:
Sign:
Date:

Nna le batho ba bangwe

Rotlhe re rata go nna le
ditsala tse di siameng.
O itse jang gore motho
mongwe ke tsala e e siameng?

A re bueng



A re kwaleng

Mo phatlheng e e fa tlase, kwala lenaneo la dilo
tse di dirang motho tsala e e siameng.



1.

2.

3.

4.



A re kwaleng

Akanya ka ga dipotso tse mme morago o kwale dikarabo tsa gago.

O na le ditsala di le kae?

Leina la tsala nngwe ya gago ya botlhokwa ke mang?

Le nnile ditsala sebaka se se kanakang?

Ke eng se se kgethegileng ka ga tsala e ya gago?

Letlha:



A re bueng

Nna le tsala ya gago mme le bue ka ga ditlhagiso tse. Tshwaya (✓) mo lebokosong fa di bua nnete, mme o thale sekere (✗) fa di sa bue nnete.

Lenaneotekolo la botsalano

Tsala ya me e a nkgathalela.	Tsenya ✓ kgotsa ✗
Tsala ya me e a nthusa.	
Tsala ya me e arogana dilo le nna.	
Tsala ya me ga e lwe le nna.	



A re direng

Akanya ka mongwe yo o kgethegileng mme morago o mo tshwantshe mo bokosong e e neilweng fa thoko fa. Gakologelwa go ntlafatsa foreimi ya setshwantsho. Fa o sena go dira se, bua ka ga mebal a e tsididi le le bolelo e o e dirisitseng mo setshwantshong sa gago.



A re kwaleng

Kwala dipolelo di le 2 ka ga setshwantsho sa gago.



Teacher:



Sign:

Date:

Batho ba ba re dikaganyeditseng

A re bueng

Lebelela ditshwantsho. Akanyang ka ga gore ditsala tse di siameng di dira eng, mme le bue ka ga tsala e e siameng mo setlhopheng sa lona. Jaanong akanya ka ga gore ditsala tse di bosula di dira eng. Tshwaya (✓) setshwantsho sengwe le sengwe go bontsha botsala jo bo siameng, mme o thale sekere (✗) go bontsha botsala jo bo bosula.



Letlha:





A re buiseng



Buisa nngwe le nngwe ya dipolelo mme morago o khalare
sefatlhego sa "Ee" 😊 kgotsa sa "Nnyaya" 😞.





Ke tsala e e siameng.





Ke kgathalela
ditsala tsa me.





Ke rata barutwana-ka-nna.



Barutwana-ka-nna ba a nthata.



Ke bonolo mo bathong
ba ke tshelang
le bona.



A re ikatiseng

A re tshamekeng
"Ema mo moriting wa me".

Wena le ditsala tsa gago le tshwanetse go gata
mo godimo ga meriti ya yo mongwe le yo mongwe.
Refosanang go bona gore le kgona go gata meriti e
mekae. O ka nna wa tswelela go tsamaya gore tsala
ya gago e se ka ya kgona go gata moriti wa gago.



Teacher: _____
 Sign: _____
 Date: _____

Go dipisa ga go sa tlhole go batliwa



A re kwaleng

Lebelela sengwe le sengwe sa ditshwantsho.

O ne o ka dira eng fa o ne o le ngwana yo o dipisiwang?

Kwala polelo e le nngwe ka moo re tshwanetseng go tsholana ka teng.









A re direng


Dira dipatlisiso le tsala ya gago ka ga ngwana yo o dipisang ngwana yo mongwe. Morago o bue gore re ka dira eng go thibela go dipisa.



A re ikatiseng

Ithulaganyeng ka ditlhophpha tsa 5.

Morago le bope mola mme le amoganeng kgwele le ntse le le mo moleng. Bonang gore ke setlhophha sefe se se kgonang go amogana kgwele mo nakong e khutshwakhutshwane. Morago ga go dirajalo, lekang go amogana bolo ka mekgwa e e farologaneng.



- Fetisa kgwele magareng ga maoto o e fetisetse kwa morutwaneng yo o kwa morago ga gago.
- Fetisa kgwele kwa godimo ga tlhogo ya gago o e fetisetse kwa morutwaneng yo o kwa morago ga gago.
- Fetisetsa kgwele kwa molemeng wa gago o e fetisetse kwa morutwaneng yo o kwa morago ga gago.
- Fetisetsa kgwele kwa mojeng wa gago o e fetisetse kwa morutwaneng yo o kwa morago ga gago.
- Jaanong latlhelelanelang kgwele mme le bone gore le ka e kapa ga kae.



Teacher:	<input type="text"/>
Sign:	<input type="text"/>
Date:	<input type="text"/>

8

Rotlhe re kgethegile

A re bueng

Kgweditharo I – Beke 4 – Papetlanatiro



Lebelela ditshwantsho mme o bue ka moo bana ba ba tshwanang ka teng.
Bua ka moo ba farologanang ka teng.





A re buiseng

Dirang tiro e lo le mo ditlhopheng. Lebelela bana ba bangwe botlhe mo tlelaseng ya gago. Morago o buise nngwe le nngwe ya dithlagiso tse di latelang (✓) (✗).

Tsenya ✓ kgotsa ✗

A basimane le basetsana ba a tshwana?	
A mongwe le mongwe o na le moriri wa mmala o o tshwanang?	
A mongwe le mongwe o na le matlho a mmala o o tshwanang?	
A mongwe le mongwe o na le diatla tsa selekano se se tshwanang?	
A barutwana botlhe ba bolele jo bo tshwanang?	



A re bueng

A o kgona go lemoga gore re a farologana rotlhe? A o kgona go lemoga gore re a tshwana rotlhe? Buang ka ga mekgwa e re tshwanang ka yona.

A re kwaleng

Thala setshwantsho sa gago. Morago o dirise setshasamolomo go dira mothala wa monwana o o itlhaoitse fa thoko ga foreimi ya setshwantsho.



A o ne o itse gore ga go ope mo lefatsheng yo o nang le setshwano sa meralo ya menwana? O itlhaoitse e bile o kgethegile.



9

Ka moo re ikutlwang ka teng

Kgweditharo I – Beke 5 – Papetlanatiro



A re bueng

Buang ka moo lo ikutlwang ka teng fa lo diragalelwā ke sengwe se se siameng. Re bitsa se maikutlo. Tlatsa gore ba ikutlwā jang.



A re kwaleng

Kwala dikarabo tsa dipotso tse di fa tlase.




Ke eng se se go itumedisang?

Ke eng se se dirang gore o nne o utlwile botlhoko?

Ke eng se se go tshosang?



Ke eng se se go itumedisang?

Letlha:



A re direng

Thala o bo o khalara keetane e ya botsalano. Leka go dira gore mpopo mongwe le mongwe o farologane, go bontsha gore rotlhe re a farologana e bile re itlhaoitse. Fa o sena go dira se o ka nna wa sega keetane ya botsalano go tswa mo tsebeng ya mesego mo bogareng jwa buka e, dira gore mpopo mongwe le mongwe o farologane mme e emise mo tafoleng ya gago go go gakolola gore rotlhe re a farologana.




A re ikatiseng

Dira mmele wa gago mogolo ka moo o ka kgonang.

Morago leka go dira mmele wa gago monnye ka moo o ka kgonang.

Jaanong leka go o dira moleele ka moo o ka kgonang.

La bofelo, leka go o dira mokhutshwane ka moo o ka kgonang.



Teacher:
Sign:
Date:

10

Batho ba ba nang le bogole


Kgwedit haro I – Beke 5 – Papet lanatiro



A re bueng

Lebelela ditshwantsho.

- O bona mefuta efe e e farologaneng ya bogole?
- Mongwe le mongwe wa bana ba o dirisa eng go ithusa?
- Ke mathata a mofuta mang a o akanyang gore bana ba ba na le ona mo matshelong a bona a letsatsi le letsatsi?
- Buang gore re ka ba thusa jang.




A re kwaleng

Lebelela ditshwantsho tse di fa tlase. Feleletsa dipolelo.

Rosemary ga a kgone go tsamaya.

O dirisa _____ go
tsamaya.



setuloteti

Thabo o foufetse mme o
dirisa _____ go bona
tsela ya gagwe.


ntšwakaedi



Letlha:

sethusakutlo

Pitoro o susu.



Jabu ga a kgone go bua.

O dirisa _____
go bua le batho.



Nomsa o dirisa _____ go
mo thusa go tsamaya.



A re direng

Dirisa mmopanyana kgotsa
mmopanyana o o tshamekisang go bopa
kopi kgotsa nkgo ya lebolomo.



Bana botlhe ba kgethegile



A re bueng

Bana ba ba farologana le wena jang?
Ba tshwana jang?



A re buiseng

Batho lefatsho ka bophara ba keteka meletlo ya
malatsi a boikhutso a a kgethegileng.

Rotlhe re rata go tshameka le go opela.

Rotlhe re tlhoka dijo go di ja.

Rotlhe re tshwanetse go ya sekolong.

Fa re lwala, rotlhe re tshwanetse go ya ngakeng.

Rotlhe re tshwanetse go nna phepa.

Ga re patelesege go dira.

Rotlhe re bana.




Letlha:



A re kwaleng

Botsa ditsala di le 3 dipotso tse. Tlatsa dikarabo tsa bona mo diphatlheng tse di fa tlase.

Tlatsa leina la tsala ya gago.			
Tumelo ya gago ke efe?			
Ke meletlo efe e e kgethegileng e le nang le yona?			
O ja eng?			
O apara diaparo dife tse di kgethegileng?			
O keteka meletlo jang?			



A re direng

Lebelela setshwantsho.
Ke mmepe wa lefatshe
la rona. O kgona go
bona gore lefatshe la
rona le na le lefatshe
le lewatle. Khalara
lefatshe ka bohunou.
Thala ditlhapi di le
mmalwa mo lewatleng.



Mogaka wa me



A re bueng

Bua ka gore a go na le bana ba ba bogole mo sekolong sa lona.

Sekolo se ka dira eng go ba thusa fa ba le kwa sekolong?

A batho ba ba bogole ba ka nna bagaka?



A re buiseng

Bagaka bangwe ba na le bogole. Ke dikgantshwane tse re ka di salang morago. Mo Aforikaborwa go na le bagaka ba metshameko ba ba bogole. A o itse batho ba bangwe ba ba bogole ba e leng bagaka mo metshamekong?

Natalie du Toit o latlhegetswe ke karolo e e kwa tlase ya leoto la gagwe mo kotsing ya sethuuthuu. O tsamaya ka leoto la maitirelo mme o thuma ka leoto le le lengwe.



A re bueng

Bua ka ga batho ba ba nang le bogole ba ba dirang dilo tse di gakgamatsang.
Akanya ka ga:

- Difofu ba tshameka diletswa tsa mmino. A o itse sengwe fela?
- Disusu ba kwala dipina. A o ka akanya ka sekao?





A re kwaleng

Mo diphatlheng tse di fa tlase, naya dintlhha ka
ga mogaka kgotsa sekgantshwane sa gago.

Mogaka kgotsa sekgantshwane sa me ke:

Thala setshwantsho sa mogaka kgotsa mmomoratwa wa gago. Kwala mafoko a a o tlhalosang fa
thoko ga setshwantsho sa gago. Dikao: botsalano, matlametlo, lerato, thusana.

O ka nna mogaka jang? Tlotlang ka ga dikakanyo wena le tsala ya gago.
Jaanong kwala kgang eo mo go yona o nnang mogaka. Tlatsa fa tlase:

Letsatsi lengwe ke

Ka swetsa go

Ke

Ke ka fao ke nnileng mogaka.



Phepafatso ya metsi



A re buiseng

Lebelela galase ya metsi.

A o kcona go bona sengwe mo go yona?

Nnyaya, o ka se kgone. Mme a o ne o itse gore nako nngwe go na le megare mo metsing? Megare e e mennye mme ga e bonwe ka matlho. Fa o ka nwa metsi ntle le go bolaya megare, o ka nna wa lwala thata. Gantsi re batla go netefatsa gore metsi a re a a nwang a phepa.



A re bueng

Buang ka ga gore go ka diragala eng fa re ka nwa metsi a maswe. Jaanong lebelelang ditshwantsho tse di fa tlase. Bua le tsala ya gago ka ga mekgwa e e farologaneng ya go phepafatsa metsi.



Tshela dipilisi tsa tlelorine mo metsing.



Bedisa metsi sebaka
sa metsotsotso e le 5.



Tshela dikhemikhale.



Sefa metsi.





A re bueng

Ke metsi afe a o akanyang gore a bolokesegile? Khalara marothodi a metsi ka mmala o o botala jwa legodimo fa o akanya gore go bolokesegile go a nwa.

Metsi a noka



Metsi a mosima o o ikepetsweng

Metsi a thepe



Metsi a a rekilweng a a mo lebotlolong

Metsi a lewatle



Metsi a a bedisitsweng mo ketleleng



A re direng

Dirang ka ditlhophha mme le dire sefo ya metsi go phepafatsa metsi. Reetsang ka tlhoafalo fa morutabana wa lona a le tlhalosetsa gore le tshwanetse go dira eng.



O tlaa tlhoka tse di latelang:

Lebotlolo la dilitara di le 2

Motlhaba o mosesane

Motlhaba o o matlapana

Matlapa a mannye

Sekere

Mogala



A re kwaleng

Tlhomaganya dikgato tsa go dira sefo ya metsi ka tatelano e e siameng.

	Tshela motlhaba o mosesane mo godimo ga wulu.
	Kgonamisa lebotlolo
	Tshela motlhaba o o matlapana
	Ka kelotlhoko sega marago a lebotlolo la polasetiki.
	Tshela metsi a a diretse mo go yona
	Latlhela matlapa a mannye mo lebotlolong



Mokgwa o o itekanetseng wa botshelo




A re buiseng

Buisa ka ga mongwe le mongwe wa mekgwa e e bosula le e e siameng. Fa o akanya gore ke mokgwa o o siameng, tshwaya (✓), mme fa o akanya gore ke mokgwa o o bosula thala sekere (✗).

Mekgwa	Siame	Bosula
Morutabana o thusa barutwana go buisa.	✓	✗
Ke ja dijo tse di itekanetseng.		
Ke latlha matlakala ka letlhahaphefo la mmotorokara kgotsa thekesi.		
Ke tlhapa moriri ka dinako tsotlhhe.		
Ke ja dimonamone tse dintsi.		
Ke tshola dinala le ditsebe tsa me di le phepa.		
Ke tlhapa meno a me gangwe ka kgwedi.		
Ke sela matlakala mme ke a latlhele mo kgamelong ya matlakala.		
Ke tlhapa matsogo a me morago ga go ya kwa ntwanaboithusetsong.		
Fa ke gotlhola kgotsa ke ethimola, ke itshwara molomo ka seatla.		
Ke ikatisa gangwe le gape.		
Ke tlhapa diatla tsa me pele ke ja.		
Ke dula fa pele ga TV diura tse dintsi.		
Ke dula le bagolo ba ba tsubang.		

Letlha:



A re direng

Dira phousetara ka ga mokgwa o o siameng
kgotsa mokgwa o o bosula.



A re kwaleng

Tlhatlhoba phousetara. Buisa tlhagiso nngwe le nngwe, mme morago o
tsenye sefatlhego se se nyenyang fa tlhagiso e le nnete, le sefatlhego se
se tlhontseng fa tlhagiso e se nnete.



Ee	
Nnyaya	

Phousetara ya me e ntle e bile e phepa.

Ke itumeletse go dira phousetara ya me.

Go ne go le thata go dira phousetara ya me.



A re ikatiseng

- O kgona go tlolela bokgakala jo bo kanakang? Dirisa dikarolo tse tharo tsa mogala. Di tlole. Tswelela go di kgaoganya go bona gore o ka tlolela bokgakala jo bo kanakang.
- Morago, kopa ditsala tsa gago tse pedi go dikolosa kgati gore o kgone go tlola.
- Refosanang go tlola.



15

Dikuno tse di senyegang le tse di sa senyegeng

Kgwedit haro I – Beke 8 – Papet lanatio



Letlha:

A re bueng



Buang ka ga dijo tse di batlang go tsholwa di tsidifetse gore di se ka tsa senyega. Swetsang gore ke dijo dife tse di sa batleng go tsholwa di tsidifetse, mme di batla go tsenngwa mo khabotong kgotsa segatsetsing. Thalang ditshwantsho go tswa mo tsebeng ya tse di segilweng mme le di kgomaretse mo setsidifatsing kgotsa mo khabotong.





A re bueng

Buang ka ga mekgwa e re ka sireletsang dijo kgatlhanong
le ditshenekegi di tshwana le dintshi le ditshoswane ka
yona.



Teacher:
Sign:
Date:

Malatsi a Sedumedi le a a kgethegileng


A re buiseng

Batho mo lefatsheng lotlhé ba keteka malatsi a boikhutso a a kgethegileng.
Ke malatsi a boikhutso a a feng a o a ketekang?



Ka nako ya malatsi a botsalo jwa morena re amogela dimpho. Gape re fa ditsala tsa rona le ba malapa a rona dimpho. Re na le setlhare sa Keresemose mo ntlong ya rona. Re baya dimpho ka fa tlase ga setlhare se. Re kgabisa setlhare mme re beye naledi kwa godimo. Ka nako ya Keresemose re ja dijo tse dintsitse di siameng.



Re fela pelo gore Diwali e tla leng. E ke nako e re fiwang dimonamone le dimpho tse dintsitse. Re paka dimonamone le dikuku tse di monate mo mabokosong mme re di neye batho ba ba re etelang. Re tshuba mabone a mannye mme re kgabise ka ona.



Re fela pelo gore Hanuka e tla leng. Re ya go ja dijo tse dintsi. Re rata go ja dipanekuku le didonatse. Gape re rata go amogela dimpho. Bontsalaarona ba a re etela. Rotlhe re thusa ka go dira dijo mme re tshuba dikerese mo ntlong ya rona.

Gautshwane e tlaa bo e le Eidi. Ke solo fela gore re tlaa amogela dimpho tse dintle. Re tlaa fa le ditsala tsa rona dimpho. Re tlaa bo re ja dikuku le dimonamone tse dintsi. Re lemoga nako ya Eidi ka sebopego sa ngwedi. Eidi e nna ka matlha a a farologaneng ngwaga le ngwaga.



A re bueng



Opela pina e o e itseng
ya lengwe la malatsi a a
kgethegileng a.



Teacher:
Sign:
Date:



A re bueng

Ditlha

Lebelela ditshwantsho tsa ditlha tse nne. Bolelela tsala ya gago gore o bona eng mo setshwantshong sengwe le sengwe. Bua gore ditlha tse nne tse di farologana jang.



O rata setlha sefe thata? _____

Ke goreng o rata setlha se thata? _____

Marang a gago a sa botsalo le mo setlheng sefe? _____



A re bueng

Dumela, Rre Letsatsi!

Letsatsi la gago le sa tswa go tlhaba.

**Ke batla go bona sefatlhego
se se phatsimang.**

Dumela, Rre Letsatsi.



Pula, pula tsamaya!


**Bana ba bannye ba
batla go tshameka.**

Tlaya gape ka letsatsi le lengwe.

Tsamaya letsatsi le le lengwe fela.



Teacher:
Sign:
Date:



A re direng

Ditlha tse nne

Sega ditshwantsho tsa ditlha go tswa mo go tsebe ya tse-di-segetsweng ruri e e kwa morago ga buka. Kgomaretsa setshwantsho sengwe le sengwe fa thoko ga leina la setlha se se nepagetseng.



Seetebosigo
Phukwi
Phatwe

mariqa



selemo

Sedimonthole
Ferikgong
Tlhakole



Mopitlwe

Moranang


Motsheganong

letlhabula



A re tsamayeng


Ikatise bokgoni jwa gago jwa kgwele.
Tampisa bolo mo leboteng.
Tswelela go gata mo kamotshaneng fa o ntse o latlhela kgwele.
Jaanong taboga o ntse o tampisa bolo go dikologa molelo wa tsiboso.



Ka ga ditlha



A re buiseng



Selemo

Maemo a bosa a bothitho e bile go letsatsi.

Motshegare o moleele mme bosigo bo bokhutshwane.


Re kgora go itsidifatsa ka go thuma kgotsa ka go nna mo meriting.

Letlhhabula

Maemo a bosa a tsidifala.

Matlhare a simolola go swaba le go wela fa fatshe.

Dinonyane di fudugela kwa mafelong a a bothithwana.



Mariqa

Maemo a bosa a tsididi.

Mo mafelong a mangwe go na le segagane kgotsa semathane.

Motshegare o mokhutshwane mme bosigo bo bolele.

Diphologolo dingwe di robala mariga otlhhe (di iphitlha ka fa tlase ga mmu).



Dikgakologo

Maemo a bosa a bothitho.

Dijwalo di simolola go tlhoga mme go mela dit hese le dikuno mo ditlhareng.

Dinonyane di simolola go aga dintlhaga le go beela mae.





A re bueng

Dijo tse di farologaneng di mela mo ditlheng tse di farologaneng. Lebelela dijo tseno tsa selemo le tsa mariga. Bolelela tsala ya gago gore o rata go ja eng fa go le mogote le fa go le tsididi.



Teacher:
Sign:
Date:

Go aparela maemo a bosa

Kgweditharo 2 – Beké 2 – Papetlanatiro



A re kwaleng

Tshwantsha mosimane le mosetsana. Mosimane o tshwanetse go apara diaparo tse di bothitho tsa mariga mme mosetsana o tshwanetse go apara diaparo tse di marutshwana tsa selemo.




Mosimane	Mosetsanana



A re tsamayeng

- Baya direng kana ditshipi tse di tshekeletsa fa fatshe kgotsa thala didiko mo motlhhabeng.
- Fa morutabana wa gago a re o tlole, o tlolele mo sedikong ka maoto oomabedi.
- Fa morutabana wa gago a re o tlole, o tlolele kwa ntle ga sediko ka leoto le le lengwe.
- Tshameka amporesekot he
- Dirisa t hoko go thala didiko le dikwere fa fatshe.





A re bueng

Bolelela tsala ya gago gore re apara diaparo tsa mofuta mang mo setlheng sengwe le sengwe. Ke diaparo dife tse o ratang go di apara?



Thala mola go tswa mo tlhalosong ya diaparo tse re di
aparang mo maemong a a bosa.

A re kwaleng

Go aparela maemo a bosa.

Fa go le letsatsi re tshwanetse
go rwala dihutshe go
itshireletsa kgatlhanong
le letsatsi.



Fa go le bothitho re
tshwanetse go apara diaparo
tse di botlhofo.



Fa go le tsididi kwa ntle re
tshwanetse go apara diaparo
tsa wulu.



Fa pula e na re tlhoka jase ya
pula le mokgele.



Teacher:
Sign:
Date:

Ditlhha di go ama jang?



A re buiseng



Selemo

Ka selemo borapolasa ba kgetla maungo. Bana ba diphologolo ba simolola go nna matlhagatlhaga.

Mo mafelong a mantsi pula e a na mme go na le tsa matlakadibe le dikgadima.

Tlhaga, dikhi le dit hese di nna dikima e bile di nna dileele.



Dikgakologo

Ka dikgakologo ditlhare di simolola go ungwa.

Re bona dinonyane tse dintsinyana le dinotshe le dit hese le matlhare a ma wa.

Dinonyane di aga dintlhaga e bile di beela mae.

Borapolasa ba kuta kana ba beola dinku.





Letlhhabula

Diphologolo dingwe di baya dijo tsa
tsona fa di ipaakanyetsa go
robala mo marigeng.


Matlhare a ditlhare a simolola go
nna serolwana, tshetlha,
khibidu le mmala wa namune.



Mariga

Diphologolo dingwe di robala mariga
otlhhe. Tse dingwe di iphitlha ka
fa tlase ga mmu.

Di nna bothitho gonne matlalo
a tsona a nna makima.



A re kwaleng

Diphologolo dingwe di dira eng mariga otlhhe? _____

Diphologolo tse dingwe di itshireletsa jang kgatlhanong le serame? _____

Dinonyane di boela leng kwa mafatsheng a a bothithwana mme di simolole go
aga dintlhaga leng? _____

Teacher:
Sign:
Date:

Go iwala nawa



A re direng

O tlhoka

- Dinawa di le 5 • Porinki
- Letseta • Metsi

**O tshwanetse go dira eng?**

Bay a dinawa mo letseteng mo porinking.




Di tshole di le metsi. Bay a porinki mo bankeng ya letlhaphabhefo
mo leseding la letsatsi.

Lebelela nawa sebaka sa dibeke tse pedi. Bona gore e tlhoga jang.




Lebelela setshwantsho sa sejwalo se sa nawa.

Fa sejwalo sa gago se ntse jaana, o tlatse letlha.

Letlha	Letlha	Letlha	Letlha
			

Letlha:



A re direng

Dira motshameko ka ga phologolo.

O ka bontsha bera kgotsa mosha a kgobokanya le go boloka dijo go direla mariga.



A re tsamayeng

Relela fa fatshe jaaka noga e batla lefelo
le le siameng la go iphitlha.

Fofajaaka peolwane e
ya kwa lefelong le le
bothithwana.



Teacher:
Sign:
Date:

23 Diphologolo tsa polasa

Kgweditharo 2 – Beke 4 – Papetlanatiro

A re bueng

Lebelela setshwantsho mme o bue ka ga diphologolo tse di farologaneng tsa polasa tse o di bonang. Ke phologolo efe e o e ratang? Re bona eng go tsawo mo phologolong nngwe le nngwe ya tse?





A re kwaleng

Tlatsa dikarabo tse di nepagetseng mo meralong tse.
Re go diretse ya ntsha.



Monna	Phelefū
Mosadi	Nku
Lesēa	Konyana
Modumo	Mmee
Ntlo	Lesaka



Monna	
Mosadi	
Lesēa	
Modumo	
Ntlo	



Monna	
Mosadi	
Lesēa	
Modumo	
Ntlo	



Monna	
Mosadi	
Lesēa	
Modumo	
Ntlo	



Teacher:
Sign:
Date:

Mo polaseng

Pidipidi kwaa, kwaa!
 Ga e na meno kwaa, kwaa!
 E phela ka motogo kwaa, kwaa!
 Pidipidi kwaa, kwaa!
 Ga e na meno kwaa, kwaa!
 E phela ka motogo kwaa,
 kwaa!

A re bueng





A re bueng

Tswelela ka go opela pina. Tsay diphologolo tse di latelang
mme bue ka tsona jaaka go ne go dirwa ka pidipidi.



Mme mo polaseng o ne
a na le dint wa.


Mme mo polaseng o ne
a na le dikgogo.

Mme mo polaseng o ne
a na le dipitse.



A re ikatiseng

- Tsamaya mo godimo ga kota ntle le go wa.
- Latlhela kgwele mo moweng mme o e kape ntle le go wa.
- Morago o kwakwante jaaka pitse.
- Khukhutha jaaka pidipidi.
- Tsamaya jaaka setshamekisi sa roboto.



Teacher:
Sign:
Date:





A re buiseng



Ditau ke losika loo katse. Tau e bonwa jaaka kgosi ya diphologolo. Di tsoma le go bolaya diphologolo di tshwana le diphoti le dipitse tse ditilodi. Ditau tsa tshadi ke tsona thata di tsomang. Di tsoma bosigo ka digopa kana ditlhophpha. Ditau di rata go tshela mo masimong a a bulegileng a tlhaga. Ditau di kgon a go rorela kwa godimo thata.

Ditlou ke diamusi tse dikgolo thata mo lefatsheng. Di aga di le mo kotsing gonne magodu a diphologolo a di tsomela manaka a tsona letsatsi le letsatsi. Ditlou di gola botshelo jwa tsona jotlhe. Ditlou di dirisa ditlopo tsa tsona go tsenya medi, maungo le metsi mo molomong. Di ja go fitlha dikilogeramo di le 200 tsa dijо ka letsatsi gape di nwa dilitara tsa metsi di le 190.





Go na le mefuta e mebedi ya ditshukudu – e leng, tshukudu e ntsho le tshukudu e tshweu. Ditshukudu ga di bone sentle, mme di na le serwekutlo se se maatla sa go nkgelela. Ditshukudu di dikgolo mme di bega dikilogeramo di ka nna 2 500. Gantsi magodu a tsomela ditshukudu manaka a tsona. Re tshwanetse go sireletsa ditshukudu kgatlhanong le babolai ba ba di bolaelang manaka a tsona.



Lengau le le godileng le kgonas go gola bolele jwa dimmitara di le 2. Letlalo la lona le bosetlhanyana ka maronthorontho a mantsho a a tshekeletsa. Lengau le kgonas go palama ditlhare e bile ga le na mathata a go tsoma mo ditlhareng.

Dinare di tshela ka ditlhophha. Fa go le kotsi, dinare tsa ditshegadi le mabotlana a tsona di tsena mo gare ga motlhape mme di dikaganyediwa ke dipoo go di sireletsa. Dinare dingwe di kgonas go golela kwa godimo go fitlha dimmitara di le 1,7.

Teacher:
Sign:
Date:

26

Diphologolo di iphitlha jang

Kgweditharo 2 – Beke 5 – Papetlanatiro



A re buiseng



Methaladi ya dipitse tse ditilodi di dira gore go nne thata go di bona mo sekgweng.

Diphologolo dingwe di itshireletsa ka go fetola mokgwa oo di lebegang ka ona go tsamaelana le tikologo e di leng mo go yona.



Maobu a kgon a go fetola mmala go tsamaelana le ditlhare tse di di palamang.



Matlalo kgotsa diphofa tsa diphologolo tse dingwe di fetolwa ka mokgwa oo go nnang bothata go di lemoga le go di bona.



Se re se bitsa maano a ipabalelo –khamafola e-

A o ke o akanye ka ga diphologolo tse di dirisang maano a ipabalelo.




Boithabiso



Morutabana wa gago o tlaa go bontsha ka moo o tshwanetseng go tshameka ditulo tsa mmino ka teng.





A re direng

Tshwantsha phologolo e e tlhaga. Morago o bolelele tsala ya gago ka
moo phologolo e e dirisang maano a ipabalelo ka teng gore e se ka ya
bonwa.




Teacher:
Sign:
Date:

27

Diphologolo tsa metsi

Kgweeditharo 2 – Beke b – Papetlanatiro



A re direng

Feleletsa setshwantsho ka go tsenya ditshwantsho kgotsa dithalo tsa diphologolo tse di nnang mo nokeng.






Dibopiwa tsa botennye jwa metsi




A re opeleng

A re lebeleleng diphologolo tsotlhhe tse di farologaneng tse di tshelang mo metsing a a letswai.



Gape go na le diphologolo tse dinnye tse di tshelang mo diphulung tsa matlapa tse di seng boteng.



Teacher:
Sign:
Date:

29

Botaki iwa diphologolo

Kgweditharo 2 - Beko 7 - Papetlanatiro



A re opeleng

Bua ka ga diphologolo tsotlhhe tsa lewatle tse di mo ditshwantshong tse.


- Ke diphologolo dife tsa lewatle tse di jewang ke batho?
- Ke diphologolo dife tsa lewatle tse di kotsi?
- Mmele wa tlhapi o phuthilwe le go sirelediwa ka eng?
- O akanya gore go ya go diragala eng fa lewatle le leswefala ka ntlha ya matlakala kgotsa ka maswe a a botlhole?
- Ke mekgwa efe e e farologaneng e lewatle le kgonang go leswefala ka yona?



A re kwaleng


Kwala maina a diphologolo tse o ka di akanyang tse di tshelang mo dinokeng, mo matamong kgotsa mo mawatleng mo dikholomong tse tharo tsa theibole.

Noka	Lewatle	Letamo



A re direng Itirele tanka ya gago ya ditlhapi.

- Penta bogare jwa lebokoso la ditlhako ka botala jwa legodimo mme o le retolole ka mo gare.
- Morago sega tlhapi go tswa kwa morago ga buka.
- Kgomaretsha tlhapi kwa godimo ga lebokoso ka leleme le mogala.



A re tsamayeng

- Fofajaaka nonyane ka lebelo le le bonako le le bonya.
- Khukhutha jaaka phenkwine.
- Fofajaaka notshe.
- Tsamaya jaaka kankarapa.
- Thuma jaaka tlhapi.
- Tlolatlola jaaka segwagwa.
- Tshameka sala-moeteledipele-morago.
- Tshameka katse-le-legotlo/peba.



Teacher:
Sign:
Date:

30

Diphologolo tse di sikarang dintlo tsa tsona

Kgwenditharo 2 – Beko 7 – Papetlanatiro



A re buiseng



...

A o ne o itse? Ke tsena sentle mo kgapeng ya me, mme ga e ke e nna nnye mo go nna.

Khudu

Khudu ke segagabi sa maoto a mane a a makakaba ka molala le tlhogo tse di matsutsuba. E tsamaya ka iketlo e sikere ntlo ya yona ya kgapa.

Di nna kwa kae?



A re kwaleng

Araba dipotso tse ka ga khudu e e tshelang mo lefatsheng.

A kgapa ya khudu e popota kgotsa e boleta? _____

Kgapa ya khudu e e sireletsa kgatlhanong le eng? _____

Khudu e dira eng fa e tshogile? _____

Dikhudu di ja dijo dife? _____

Letlha:

Leitlho

Lebelela kgapa
le kgopa.

Leitlho

Kgapa

Dinakana tse
dileele

Dinakana tse
dikhutshwane

Leoto


Phatlhana ya go hema

Kgopa e tsamaya jang? _____





A o setse o kile wa bona kgapa ya kgopa e e lolea? O akanya gore go diragetse eng ka ga kgopa? _____

Dikgapa tsa dikgapa di mmala o o ntseng jang? _____

Ke goreng o akanya gore dikgapa di na le dikgapa? _____




O akanya gore ke tshela kwa kae? Kwala fa thoko ga sethwantsho sa me,
gore a ke ka aga ntlo ya me mo setlhareng, fa fatshe kgotsa mo metsing.



Teacher: _____
Sign: _____
Date: _____

Diphologolo tse di ikagelang dintlo

Kgweditharo 2 – Bekè 8 – Papetlanatiro




A re direng

Golaganya ditshwantsho tsa diphologolo tse le ditshwantsho tsa dintlo tsa tsona.



A re buiseng

Dinotshe



Dinotshe di tshela mo diphagong.

Di aga diphago tsa tsona ka mamepe.

Di boloka dijo tsa tsona mo
diphagong.

Letlha:

Ditshoswane

Ditshoswane di aga mefuta e e farologaneng ya dintlo mo tikologong ya tsona. Tshoswane e nnye e kgon a go sikara selo se se fetang bokete jwa yona gane. Ditshoswane di a buisana. Di a tsibosana fa go na le kotsi, gape di bolelelana gore di ka bona dijo kae.



A re kwaleng

Ke eng o akanya gore ditshoswane di ikagela dintlo?

Mmaba wa tshoswane ke eng?

Ditshoswane di dirisa eng go ikagela dintlo?



A re buiseng

Dinonyane

Dinonyane di aga dintlhaga jaaka dintlo le go nna le lefelo la go beela mae. Bogolo jwa sentlhaga bo laolwa ke bogolo jwa nonyane. Dinonyane di dirisa eng go aga dintlhaga tsa tsona?


Ke phologolo efe e e leng mmaba wa nonyane?




Teacher: _____
Sign: _____
Date: _____







Thanodi ya me

A		M	
a		m	
B		N	
b		n	
C		O	
c		o	
D		P	
d		p	
E		Q	
e		q	
F		R	
f		r	
G		S	
g		s	
H		T	
h		t	
I		U	
i		u	
J		V	
j		v	
K		W	
k		w	
L		X-Z	
l		x-z	







P.29



P.30



P.36-37



P.57

